

Frístund í Grunnskóla Fjallabyggðar kl. 13.30 – 14.30 vorið 2018

Eftirfarandi er lýsingar á þeim viðfangsefnum sem nemendum stendur til boða. Gott er að hafa þetta skjal til hliðsjónar þegar valið er.

Leiklist – leikræn tjáning.

Farið í tjáningu gegnum leik og hlutverk. Einfaldir leikir notaðir.

Frjáls leikur. 1.-4.bekkur

Frístund er til húsa í skólahúsinu við Norðurgötu. Þar geta börnin valið sér verkefni og verið í frjálsum leik. Börnin hafa val um ýmislegt, þau geta t.d. teiknað, litað, perlað, spilað og leirað. Allir ættu að finna eitthvað við sitt hæfi.

Spil – borðspil

Börnin spila á spil og læra ýmis borðspil. Þetta geta verið allt frá Olsen-Olsen til spurningaspila.

Föndur

Börnin föndra úr allskonar efni. Sköpun og ímyndunarafl ræður ríkjum.

Bókasafn. 1.-4.bekkur

Hægt er að velja að fara á bókasafn í frístundartímanum. Þar fá börnin tækifæri til að sitja í rólegheitum og lesa eða skoða bækur.

Sund. 1.-4.bekkur

Nemendum gefst kostur á að velja að fara í sund í umsjón sundkennara.

Skák.

Nemendur læra undirstöðuatriðin í skák.

Kennari: Sigurður Ægisson

Æfingar hjá Knattspyrnufélagi Fjallabyggðar (KF)

Þeir nemendur sem kjósa að vera á æfingjum hjá KF í frístund greiða æfingargjöld til félagsins. Ekki komast allar æfingarnar fyrir á milli kl. 13.30 – 14.30 hjá 1.-4.bekk og eru þær æfingar sem upp á vantar eftir skóla.

Æfingar hjá Tennis- og badmintonfélagi Siglufjarðar (TBS)

Þeir nemendur sem kjósa að vera á æfingjum hjá TBS í frístund greiða æfingargjöld til félagsins.

Æfingar hjá Blakfélagi Fjallabyggðar (BF)

Þeir nemendur sem kjósa að vera á æfingjum hjá BF í frístund greiða æfingargjöld til félagsins. Ekki komast allar æfingarnar fyrir á milli kl. 13.30 – 14.30 hjá 1.-4.bekk og eru þær æfingar sem upp á vantar eftir skóla.

Íþróttaskóli hjá Ungmennafélaginu Glóa

Þeir nemendur sem kjósa að vera á æfingjum hjá Umf. Glóa í frístund greiða æfingargjöld til félagsins.

Íþróttaskóli 1. - 2. bekkur: Alhliða hreyfing; þrautabrautir, fimleikar og leikir.

Íþróttaskóli 3. - 4. bekkur: Alhliða hreyfing; þrautabrautir, fimleikar, frjálsar og leikir.

Þjálfarar: Þórarinn Hannesson og Patrekur Þórarinsson.

Barnakór tónlistarskólans. 2.-4. bekkur

Kennari er Þorsteinn Sveinsson og æfingar eru á mánudögum í tónlistarskólanum á Siglufirði frá kl. 13.30. – 14.30.

Unnið er með grunnþætti tónlistarinnar í gegnum söng, hlustun og hreyfingu. Lögð er áhersla á að börnin læri einföld og fjölbreytt lög og upplifi ólík blæbrigði tónlistarinnar og þjálfist í að hlusta eftir þeim. Kórinn kemur fram á tónleikum Tónlistarskólans á Tröllaskaga og víðar. Ekki er nauðsynlegt að vera skráður nemandi í tónlistarskólanum til að geta tekið þátt í kórstarfinu.

Forskóli tónlistarskólans. Ritmi, dans og hreyfing. 1.-2.bekkur

Kennari er Þorsteinn Sveinsson og æfingar eru á miðvikudögum í tónlistarskólanum á Siglufirði frá kl. 13.30. – 14.30.

Meginmarkmið forskóla er að búa nemendur undir hljóðfæranám. Uppistaða námsins er tónlistariðkun með ýmsum aðferðum s.s., söng, hreyfingu, slagverksleik, hlustun og sköpun, lestri og ritun. Meginhugtök tónlistar eru kynnt nemendum, tónhæð, styrkur, áferð, tilfinning og túlkun og margt fleira.

Ekki er nauðsynlegt að vera skráður nemandi í tónlistarskólanum til að geta tekið þátt í forskóla tónlistarskólans.

Ukulele-sveit Tónlistarskólans. 3.-4.bekkur

Kennari er Guðmann Sveinsson og eru æfingar á fimmtudögum kl.13.30. – 14.30. Kennt verður í hópum og fer kennsla fram í tónlistarskólanum á Siglufirði.

Ukulele er lítið strengjahljóðfæri sem kemur úr gítarfjölskyldunni, það er mjög meðfærilegt og þægilegt að byrja á að læra fyrstu hljóðmanna og syngja með einföldum lögum. Tónlistarskólinn leggur til hljóðfærið til fyrsta árið og fá nemendur að fara heim með hljóðfærið og efni til æfingar.

Ekki er nauðsynlegt að vera skráður nemandi í tónlistarskólanum til að geta tekið þátt í Ukulele sveitinni.

Slagverkshópur- Handslagverkshljóðfæri kynnt 3. – 4. bekkur

Kennari er Rodrigo dos Santos Lopes og eru æfingar á föstudögum kl. 13.30 – 14.30. Kennt á kúabjöllur, hristur, clave, jam blocks, cabssa og tamborinur. Rætt um hlutverk þessara hljóðfæra í mismunandi tónlist, en þó aðallega í tónlist frá suður-Ameríku.

Conga- og bongo-trommur kynntar og aðferðirnar sem notaðar eru við að spila á þær í latin-tónlist. Nemendurnir fá að prófa trommurnar og reyna þær aðferðir sem útskýrðar hafa verið.

Kenndir algengir taktar á öll þessi hljóðfæri og nemendur fá að spreyta sig undir handleiðslu kennarans. Tengslin og samhengið á milli slagverkshljóðfæra og trommusettsins útskýrð og leikin dæmi.

Lögð verður áhersla á samspil og tekið þátt í tónleikum Tónlistarskólans

Nemendur fá allir að spreyta sig á öllum hljóðfærunum og spila þá rytma sem tilheyra hverju hljóðfæri, skiptast á og læra og skynja sem mest af hlutverkum sem hvert hljóðfæri hefur.

Einstaklingstímar í tónlistarskólanum – hljóðfæranám / söngnám

Tíminn frá kl. 13.30 – 14.30 getur nýst fyrir einstaklingstíma í tónlist. Foreldrar þurfa að skrá barnið í það tónlistarnám sem barnið verður í og láta vita af því að óskað sé eftir tónlistartíma á frístundartíma.